新 太 標 點

上海啓智書局印

行

## 漢魏六朝女子文選叙

近人有八代詩選;八代卽指漢魏六朝 宋元明乎了故不曰八代,而曰漢魏六朝也 子稱夏商周爲三代是也。至今日而云入代,則安知非指梁唐晉漢周 所本也。然因唐而稱漢魏六朝可云八代,猶孔子稱夏殷爲二代 講授,錄之以自誦者也。明袁黃有八代文宗,梅鼎祚有八代詩乘 丈夫也,女婦人也。立文相對,喪服經每以丈夫婦人連文,渾言之 ,女亦婦人:析言之,適人乃言婦人也,左傳曰:君子謂宋共姬女 卷,婦人集鈔二卷;案:說文解字,女,婦人也,段玉裁曰:男 漢魏六朝女子文選者:張維自己酉夏至庚戌春,受之於夫子所 ,唐韓愈文起八代之衰,此 。隋書經籍志有婦人集一 一盆

朝女子

文選

序交

朝

女

文

而日女子文選何也?文集則誼取并包〉文選則意存區別,漢魏 似不可嫁女子,故不曰婦人文,而曰女子文也。其不曰女子文集 女子者,對男子而 り 而不婦,女術 人婦 言 , 義 子皆美稱也 事也,此 。然則言女子可晐婦人 可以知女道婦道之有不同矣 、,言婦 o 言 六 朝

上哀帝書等是也;三田事涉暗味 八選者,慮有八例:一 女子文之存於今者,不皆入選,八八選者,不過十之六七。其所以不 之失誄等是也;二日:篇幅太短 日· 章句已缺了如後漢班昭欹器頌 ,如漢馮嫁上元帝書 ,如漢程姬遺孫女徵臣 ,敬武長公主 一書,漢元王 , 晉王劭

也;五曰;文太纖媒 皇后治問成帝發病狀詔 近賊亂 ,如漢趙昭儀與籍武詔記,赫號書,又與籍武詔記等是 , 如漢成趙皇后奏牋成帝書等是也;六日 ,貶徙趙太后詔,廢趙皇后詔等是也;四

非 如 后之璽書等 如 甄 擇其煦煦仁 在 獨 錄 帝 入成文明· 漢 辭 王 ---馬 班 封 元 7 水: ,猶多代造;況在 相 E 舅 朝 皇后 皇后 氏 政 如 33 • 坎 戒 彭城 則 漢元 所關 子 等是 不錄 , 晉衛樂筆陣 26 , 2; 9, 後漢 宣武 和熹 敕 , 一義康 選 與 也 也 21. 、鄧后場 皇后非 。夫制 惟 **| 震皇后等,斯其選矣** 夫 明德馬皇后 O! 八自表 女玉 一母后 史有 若夫后妃 秀露板辭等是也 坐不 明文 圖等是也;八 周馮貴人婦園策 何 好 ,詔,册, 恶 之辭 乏文 ,和熹鄧 道 能 ٠, 能 兖 無得緊婦 自 ,似係 茲?故雖能 2 令 操筆 則又有三例 日 皇后 璽 0 著漢呂后 ;七日 札 文 女老弱詔 出 ,後魏宣武靈胡 三 う書 自 者 ,順 白屬 係 胸 ۶. 三文 偽託 中所造 ラ戒 則 烈梁皇后 制 文辭 ,後 Z 甄 ۶. 9. 詔 錄 詔 9? 漢 敕 者 ,亦 如 9, 册 漢 明 ク後 • j.

٠.

,

則

必

文

序 文

朝女

文選

於自手,雖有一二代造,史亦不能別白,故選例不若制詔等之嚴 文等,則不類矣。至于賦,頌,誄,贊,奏,表,書,疏,大都出 私度僧令等是也。若夫漢元王皇后令安漢公居攝韶策,安漢公九錫

則尚無此弊,讀其文,可知也。余讀隋書經籍志,自漢以來,迄於 **葬愍懷太子表等,則亦不類也。張維日,漢魏六朝文之優於後世者** 如;漢班婕妤,晉左九嬪,陳後主沈后,隋煬蕭后皇等,文執彪炳 ,人亦無所用疑。若漢呂后之報匈奴冒頓書,晉惠廢買后乞以王禮 ,在少浮詞寡費,語質而有文,漢魏尚矣。六朝浮華,而女子文 ,

,女子文集,載有二十四家,都八十卷。漢成帝班婕妤集一卷 ,

原注;梁有班昭集三卷,亡;梁又有婦人後漢黃門耶秦嘉妻徐淑集 一卷;後漢董祀妻蔡文姬集一卷;傅石甫妻孔氏集一卷,亡;晉江

州 靖妻沈滿願集三卷;梁太子洗馬徐俳妻劉令嫺集三卷;陳後主沈后 後宮司儀韓蘭英集四卷,亡う梁臨安恭公主集三卷;梁征 晉宣城太守何殷妻徐氏集一卷。立:梁文有宋婦人率氏集一卷;宋 平都尉陶融妻陳窈集一卷;晉都水使者妻陳玢集五卷;晉海西令劉 詩八卷,織綿迴文詩一卷,倘不在其列,今則十不存一二矣 集十卷;劉子以母祖氏集九卷;而符堅秦州刺史竇氏妻蘇氏作迴 所選女子文最多,張之象則有形管新編八卷 集五 妻陳珍集七卷;晉劉柔妻王邵之集十卷;晉散騎常侍傅伉 刺 卷;晉松陽令紐滔母孫瓊集二卷,晉成公道賢妻龐馥集一卷; 史王凝之妻謝道韞集二卷 卷;晉武帝左九嬪集四卷;晉太宰賈充妻李扶集一 ,原注;梁有婦人晉司徒王渾 ,田藏蘅則有詩女史十 西記室花 しう管学 妻鍾夫 妻辛蕭 。明代

六朝

女子

文選

序文

死八卷,江元祚則有續玉臺文苑四卷,鄭文昂則有名媛彙詩二十卷 ,皆藏於四庫提要,稱其語姓,雜出,眞僞不辯。余雖未覩其書,然 ,拾遺二卷,鍾惺則有名媛詩歸三十六卷,江元禧則有玉臺文 朝 女 選 序 .

初編五卷 要之,無別裁可知也。國初則費密有唐宮閨詩二卷,季嫻有閨秀集 則大都無物,今且新民派之族交扇字內矣。國家捷殼,則趨勢忘本 ,而效夷語 ,維雖不學,然不喜讀隋唐以後文,下筆千言,提其要, ,效而諦 ,猶可言也;鄧書燕說,比比皆是,斯文將喪

以云理董,則吾豈敢?辛亥,三月,朔日,張維敍 先烈典型,行將墮地 り付之前 劂 ,載其芳馨,以慰幽人於長往,詔吾黨以涂徑云爾 ,乃出其響所選讀漢魏六朝女子文百二十二

## 無韵之文

後漢杜泰姬啟子

- {· 目 錄

**大朝女子文選** 

李文姬敕弟燮

楊禮珪敕二婦

杜秦姬戒諸女及婦



後漢徐淑又報嘉書 後漢資玄妻與資玄書 後漢徐淑答夫秦嘉書

後漢楊彪妻袁氏答曹公夫人卞氏書 後漢徐淑為誓書與兄弟

TO TO THE WAY OF THE PARTY OF T

魏武宣卞后與揚彪夫人袁氏書

吳孫仲奇妹臨亡書 晉衞瓘女與國臣書

The state of the s

Maria Saom

晉陶侃母湛氏封鲊反書賣陶侃

晉衞鑅與釋某書

晉陳 舉答舅母書

晉陳珍與妹劉氏書

**晉孫瓊與處定夫人薦環夫人沓** 

晉孫瓊 孫瓊答吳處國書 《與 從弟孝徵書

陳後主沈后與釋智顕手書

以上書二十三首

漢鳥孫公主解愛上昭帝書 漢箔于緹紫上書求贖父刑

漢烏孫公主解憂又上宣帝書 漢烏孫公主解憂上宣帝書

後漢梁總上書自訟

以上上背五首

钥女子

文選

目錄

所譙國夫人沈氏先書報高州刺史李 ANTONOIG C

3

魏文德郭后謝上表

以上疏三首

晉賀僑妻于氏上表言養兄子率爲後

宋昭容

隋蘭陵公主臨終上煬帝表

以上表五首

後魏宣武靈胡后賜崔亮聖書 以上軍書一首

後漢和喜鄧后免馬融制

以上制一首

漢元王皇后賜公孫弘子孫當為後者虧詔

漢元王皇后非坐不道無得繁婦女老弱韶

漢元王皇后置宗師詔

後漢明德馬后辭封舅氏部

後漢明德馬后報章帝重請對諸舅詔 目錄

後漢

明德馬后詔三輔

朝女子文選

击

六 後漢和熹鄧后韶河南尹鄧豹等 後漢和熹鄧后舉隱逸大 後漢和熹鄧后遣掖庭呂 後漢和熹鄧后檢敕 朝 和熹鄧后減服御詔 女 子 文 選 外戚認 八級 }儒

{ 詔

後魏宣武靈胡后 後魏宣武靈胡后賜路邕詔 後漢順烈梁后葬死者認 報催光求補治石經韶

後漢順烈梁后嚴選舉部

後漢順烈梁后

稟窮弱葬枯骸詔

後魏

宣武靈胡后定權衡部

以上韶十七百

目錄

後魏宜武靈胡后許江陽王機助祭令 後魏 以武靈胡后禁私度僧令 後魏文成文明馮后定樂章令 後魏文成文明馮后為成陽王禧選師傅令 後魏文成文明馮后答程 駿表上得一頌令 文成文明馮后答程駿表上慶國頌分

他漢順烈梁后卌趙峻爲太傅李固爲大尉 漢元王皇后冊罷董賢

以上令六首

漢元王皇后策遣態勝**邴**漢 日鉄

六

钥

女子

文 選 漢元王皇后策免彭宣

以上册二首

七

六 朝女子文 選

田錄

後漢和熹鄧后敕司隸校尉部刺史實覈水災 後漢和熹鄧后賜周馮貴人歸園策 以上策三首

魏文德郭后敕諸家 魏文德郭后敕外親劉斐

魏文德郭后敕成郭表孟武等

魏文德郭后止孟武厚葬其母

以上敕五首

北齊趙桃科妻劉氏造像記

北齊朱元洪妻孟阿妃造老君像記

凡無韵文七十八首

以上造像記二首

K

## 有韵交矛

目錄

朝女子文選

九

朝女子 文 選

育陳 纷争城 **晉王砂之懷思以** 晉王砌之春花城

晉孫瓊箜簽城 隋煬厳皇后述志賦

**晉孫瓊倬艱城** 

**香左九嬪武帝納皇后頭** 以上賦十五首

**音辛箫 芍柴花**碌

菊花頭

**晉左九嬪鬱金頌** 育左九嬪德柔頌

0

目錄

**晉左九嬪虞舜二妃贊** 晉王邵之啓母塗山頌 **晋王邵之姜嫄項** 晉陳竣五時畫扇頌 普左九嬪荆武王夫人鄧曼贊 音左九嬪狂接奧妻贊 晉在九嬪孟軻母贊 晉左九嬪班倢仔贊 晉左九嬪周宣王姜后赞 朝 以上碩十首 女 子文 選

音陳豫正旦獻椒花

[頌

目錄

**替左九嬪齊杞梁妻贊** 

育左九嬪齊義繼母賛

**替左九嬪科敬姜賀** 

晉左九嬪果父惠妃贊

目錄

晉孫瓊公孫夫人序贊 以上序贊一首

督王邵之靈壽杖銘

以上銘一首

**晉左九嬪納楊后贊** 晉謝道鑑論語贊 以上贊十三首

香 化 九 嬪 德 剛 發

六朝

女子文選

以上誄二首

受劉介媚祭夫文 以上弔文一首 以上弔文一首

**凡有韵文四十四首** 

以上祭文一首

自錄

後漢班昭女誠序

几

賜金紫,實非鄙人,庶幾所望也。男能自謀矣;吾不復以爲憂也 父母之羞,以益中外之累 **免耳。吾性疏頑,敎導無素,恆恐子榖** ,執箕箒於曹氏,于今四十餘載矣 鄙人愚暗,受性不敏,蒙先君之餘寵,賴母師之典訓,年十有 ,夙夜劬心,勤不告勞,而今而後 。戰戰兢兢,常懼黜辱, ,資辱清朝,聖恩橫加 一,乃知 以增 ク猥

,懼失容它門,取恥

但傷諸女,方當適人;而不漸發訓,不聞婦禮

朝

女 子 文 選

卷上

宗族 誠七章,願諸女各寫一通 。否今疾在沈滯 朝 女 子 文 選 ,性命無常 ,庶有補益, ,念汝曹如此,每用惆悵 **神助汝身。去矣** ٥ 0 其勗勉 別作女

晉衛樂筆陳圖序 ,莫先乎用筆;六藝之奧,莫匪乎銀鉤。昔秦丞相

夫三端之妙

功不就, 不返。嗟其出羣,故知達其源者少,誾于其理者多。近代以來 妙 不師古;而緣情棄道,纔記姓名:或學不該贍,聞見又寡;致使成 , ,見周穆王書,七日興歎,患其無骨;蔡尚書入鴻都觀碣 更加 潤色 虚費精神;自非通靈感物, 不可與談斯道。今删李斯筆 ,總七條幷作其形容列事如左,貽諸子孫,永爲模範 , 十 殊 旬

**馬將來君子時復覽焉** 

漢班倢伃報諸姪書

矣。何可比也。故略陳其長短,今汝曹自評之。 貴人害也;類多華辭。至如成帝,則推誠寫實,若家人夫婦相與書 記言屬見所賜趙倢伃書以相比,元帝被病無悰,但鍜鍊,後宮

後漢杜泰姬教子

西門豹侃韋以自寬,宓子賤帶弦以自急;故能改身之恆,爲天下名 中人情性,可上下也;在其檢耳。若放而不檢,則入惡也。昔

後漢杜泰姬戒諸女及婦

吾之妊身,在乎正順。及其生也,思存于撫愛。其長之也,威

儀以先,後之禮貌。以左右之恭敬;以監臨之懃恪;以勸之孝順; 六朝女子文選

朝女子文選 卷上

四

以內之忠信;以發之是;以皆成而無不善,汝曹庶幾勿忘吾法也。

則不才。吾家不爲貧也;所以粗食急務者,使知苦難備 後漢楊禮珪敕二婦 吾先姑母師也。常言聖賢必勞民者,使之思善,不勞則逸;逸

後漢李文姬敕弟燮 先公爲漢忠臣,雖死之日,猶生之年。梁冀以族,弟幸濟,豈

非天乎?慎勿有一言加梁氏;加梁氏,則連主上,是又掇禍也 後漢陳惠識戒兄子伯思

捕影,非可得也

後漢竇玄妻與竇玄書

君子疾沒世而名不稱;不患年不長也。且夫神仙愚惑,如繁風

竇玄形貌絕異,天子以公主妻之,舊妻與玄書別曰: 棄妻斥女敬白竇生:卑賤鄙陋,不如貴人,妾日已遠 ,彼日已

,何所告訴?仰呼蒼天!悲哉竇生!衣不厭新,人不厭故;悲不

可忍,怨不自去,彼獨何人,而居我處? 後漢徐淑答夫秦嘉書

親

業,亦是仲尼執鞭之操也。自初承問。心願東還,迫疾惟宜,抱歎 知屈珪璋,應奉藏使,策名王府,觀國之光;雖失高素雖然之

而已。日月己盡,行有伴例;想嚴莊已辯,發邁在近;誰謂宋遠 企于望之!室邇人遐,我勞如何!深谷逶迤,而君是涉;高山巖巖 君 是 , ,

而君是越, 斯亦難矣!長路悠悠, 身非形影,何得動而輒俱了體非比目,何得同而不離了于是 六朝女子文 選 而君是踐;冰霜慘烈 五. , 而

朝女子文選 卷上

詠萱草之喻,以消兩家之思;割今者之恨,以待將來之歡!今適樂 土,優游京邑,觀王都之壯麗,察天下之珍妙,得無目玩意移,往

而不能出耶?

後漢徐淑又報嘉書

賜,非豐恩之厚。孰宜若斯?覽鏡執釵,情想髣髴;操琴詠詩,思 釵有殊異之觀;芳香旣珍,素琴益好,惠異物于鄙陋,割所珍以相 既惠音令,棄賜諸物,厚顧慇勤,出于非望。鏡有文彩之麗

鏡之鑒,當待君還,未奉光儀,則寶釵不設也;未侍帷帳,則芳香 **昔詩人有飛蓬之感,班婕妤有誰榮之歎,素琴之作,當須君歸;明** 心成結。敕以芳香馥身,喻以明鏡鑒形,此言過矣;未獲我心也。 不發也。今奉旄牛尾,拂一枚,可以拂塵垢, 越布手巾二枚,

器中物幾具, 金錯盌一枚,可以盛書水, 琉璃盌一枚, 可以服薬

蓋岡君子導人以德,矯俗以禮;是以列士有不移之志,貞女無 後漢徐淑爲誓書與兄弟

四不能厲高節于弱志,發明明于闇味,許我他人,逼我于上,乃命 所天,男弱未冠,女幼未笄;是以佩俛求生,將欲長育二子,上奉 **祖宗之嗣,下繼祖彌之禮;然後覲于黃泉,永無慚色。仁兄德弟** 

,

迴二之行。淑雖婦人,竊慕殺身成義,死而後己。夙遘禍罰,喪其

行,豈不思齊?計兄弟備託學門,不能匡我以道,博我以文;雖曰 忍臨頸,改正直之辭,梁寡不以毀形之痛, 忘執節之義, 官人訟之簡書;夫智者不可惑以事,仁者不可脅以死;晏嬰不以白 六朝女子文選 卷上 Ŀ 高山景

既學,吾謂之未也

六 朝

女子文

選

後漢楊彪妻袁氏答曹公夫人卞氏書

**禮。曹公匡濟天下,遐邇以甯,四海歸仰,莫不感戴;小兒疏細 謬蒙采拾,未有上報,果自招罪戾,念之痛楚,五內傷裂。尊意不** 彪袁氏頓首,頓首:路跂雖近,不展淹久,歎想之勞,情抱山

遭,伏辱惠告,見明公與太尉書,具知委曲,度子之進,不過父母

小兒違越,分應至此。憐其始立之年,畢命埃土,遺育孤幼,言之

崩潰,明公所賜已多,又加重寳,禮頗非宜,茍受輒代往信 ò

魏武宣卞后與楊彪夫人袁氏書

**德熙妙,有蓋世文才,闔門欽敬,實用無已。方今騷擾 戎馬屢動** |下頓首::貴門不遺,賢郞輔位,每感篤念,情在凝至。賢郞盛

制,明公性急,忿然在外,輒行軍法,卞姓當時,亦所不知,聞之 ,股肱近臣,征伐之計,事須敬咨。官立金鼓之節,而聞命違

恕,故送衣服一籠,文絹百匹,房子官錦百斤,私所乘香車一乘

心肝塗地, 驚愕斷絕,

悼痛酷楚,情自不勝!夫人多容,卽見垂

一頭,誠知微細,以達往意,望爲承納 鏡與粉盆與耶,香簽與若; 欲其行身如明鏡,純如粉, 吳孫仲奇妹臨亡書 譽如

晉衛瓘女與國臣書

咎安在?悲憤感慨,故以示意。 先公名諡未顯,無異凡人;每怪一國蔑然無言,春秋之失,其 **六朝女子文** 選 卷上 九

八朝女子文選 卷上

晉陶侃母鴻氏封鮓反書賣陶侃

汝爲吏,以官物見餉;非唯不能益吾,乃以增吾憂也

晉衛樂與釋某書

弟子王逸少,甚能學衛眞書,咄咄逼人,筆勢洞精,字體遒媚,師 學,規摹鍾繇,遂歷多載;年廿著討論草隸通解,不敢上呈。衛有 可詣晉尚書館書耳 衛稽首和南:近敕奉寫急就章,遂不得與師書耳。但衛隨世所 。仰憑至鑒,大不可言。弟子李氏衛和南

晉陳磣與妹劉氏書

哀,則孝心以敍,自非挺生之才,孰能克隆聿脩若斯者乎?執詠反 伏見偉方所作先君誄,其述詠勳德, 則仁風靡墜; 其言情訴

覆,觸言流淚,感賴交集,悲慰竝至。元方偉方竝年少而有盛才,

眞,榮位未登,高志不遂,本不標方外迹也。老莊者,絕聖弁智, 養民也惠, 先君旣體弘仁義,又動則聖檢,奉親極孝,事君盡忠。行已也恭, 文辭富艷,冠于此世,竊不自量,有疑一言,略陳所懷,庶備起予。 可謂立德立功,示民軌儀者也。但道長祚短,時乏識

渾齊萬物,等貴賤,忘哀樂,非經典所貴,非名敎所取,何必輒引

晉陳璲答舅母書

以爲喩耶?可共詳之。

榮耀當年, 元方春秋始富,德業亦隆,弘道博文,才質棄備;冀志與時陽 **豈意一朝冥然長往? 元方沖幼,過庭茣聞聖善明訓** 

業成三徙;亦旣冠婚,雙譽九集,庶幾偕老,色養膝下;而 流,艱禍仍遘,媛姊傾逝,宗模永絕,姉方玄華,並天戚年,豈庸 钥女子文 選 卷上

一殃属横

,

卷上

六 朝

女子

文選

**豊圖?禍降彌酷!良才天于,始立崇基,殞于一匱;仰痛殄滅** 悼二弟,斯人斯命,當可奈何!母年逾耳, 中,四遘至痛 ,目前廓然,三從靡託,窮悼中發,情馳難處。 順備經百, 罹一紀之 ,俯

瓊聞興賢崇德,聖主令典,旌善表操,有邦盛務。伏見族祖吳 晉孫瓊與虞定夫人薦環夫人書 ,

家欲改醮、誓而 職,宗姻有聲,奉禮未周,彥母喪殞;喪殞半年,彥奄亡沒;環率 國亡民富春孫彥妻環,少厲令節 禮奉終,抗義明節,傾竭私產,以供葬送;禮服旣終,前無立子 不許 服膺道教; 逮適孫氏,恪居婦

晉孫瓊答虞吳國書

0

咸和中避蘇峻亂于臨安山,吳國遺使餉饋,乃答書曰:此果有

胡桃飛穰;飛穰出自南州,胡挑本生西羌,外國,外剛內柔,質似

古賢,欲以奉貢。

晉孫瓊與從弟孝徵書

所。若乃開圃卽于靈囿,沃地矩乎神沼,文魚躍于白水,素鳥翔乎 取 0 彼衛懿之好民,無役車之載鶴,有乘軒之飾,禍敗之由,由乎失 省爾譏我以養鵠,乃戒以衛懿滅斃之禍, 斯言惑矣; 吾未之

盛以陶豆,殷紂著以玉杯;而此聖以興,彼愚以滅,蓋置之失所, 神州,豈非周文之德?大雅所脩哉?夫嘉肴旨酒,非不美也;夏禹 如其無失,來難可施乎?

陳後主沈后與釋智顗手書

妙覺和南:今遣內師許大梵往稽首,乞傳香火,願賜菩薩名, 六朝女子文選

<u>\_\_\_</u>

朝女子文

選

卷上

隋<br />
牆<br />
國<br />
夫<br />
人<br />
洗<br />
氏<br />
去<br />
報<br />
高<br />
州<br />
刺<br />
史<br />
零<br />
世<br />
無<br />
養<br />
熏<br />
修<br />
善<br />
売<br />
表<br />
三<br />
、<br />
こ<br />
っ<br />
こ<br />
こ<br

太守馮寶病篤,謹令妻洗氏傳啓,幷奉土貢,以資軍費

0

生 ,而刑者不可復續;雖欲改過自新,其道莫由,終不可得。妾願入 漢淳于緹縈上書求贖父刑 妾父爲吏,齊中稱其廉平; 今坐法當刑 , 妾切痛死者不可復

漢烏孫公主解憂上昭帝書 匈奴發騎田車師,車師與匈奴爲一 ,共侵烏孫,惟天子救之。

身爲官婢,以贖父刑,使得改行自新也。

漢烏孫公主解憂上宣帝書 匈奴復連發大兵侵擊烏孫,取車延惡師地,收人民去。使使謂

騎。盡力擊匈奴。唯天子出兵以救公主昆彌· 鳥孫,趣持公主來,欲隔絕漢。昆彌願發國半精兵,自給人馬五萬

漢烏孫公主解憂又上宣帝書

後漢梁媽上書自訟年老土思,願得歸骸骨,葬漢地。

妾同產女弟貴人,前充後宮,蒙先帝厚恩,得見寵幸;皇天授

不掩,老母孤弟,遠徙萬里,獨妾遺脫,逸伏草野,常恐沒命,無

命,誕生聖明;而爲竇憲兄弟所見潛訴,使妾父竦冤死牢獄,骸骨

旣伏,辜誅,海內曠然,各獲其宜,妾得蘇息,拭目更視,乃敢味 由自達,今遭低陛下神聖之蓮、親統萬機、羣物得所,憲兄弟姦惡, 死,自陳所天。妾聞太宗即位,薄氏豪榮,宣帝繼統,史族復興; 六朝女子文選 卷上 二 五

卷上

朝

女子文

選

妾門雖有薄史之親, 獨無外戚餘恩? 誠自悼傷!妾父旣冤不可復 願乞收竦朽

骨,使母弟得歸本郡,則施過天地,存沒幸賴 生,母氏年殊七十,及弟棠等遠在絕域, 不知死生, 漢公孫倢伃奏冤東平相王尊

也。 今妾不得使王復見尊,陛下不留意,妾願先自殺,不忍見王之失義 |尊爲相,倨慢不臣,王血氣未定,不能忍,愚誠恐母子俱死;

漢趙昭儀奏上趙皇后書賀正位

天地交赐,貴人姊及此令吉光登正位,爲先人休,不堪喜豫

奏上二十六物以賀:金屑組文萬一鋪,沈水香蓮心椀一面,五色同 心大結一盤,鴛鴦萬金錦一匹,琉璃屛風一張,枕前不夜珠一枚,

鋪,七出菱花鏡一簽,精金驅環 香綠毛狸藉一舖,通香虎皮檀象一座,龍香握魚二首, 四指 ,若亡絳綃單衣一 獨搖寶蓮 襲,香文羅

手藉三幅,七囘光雄肪髮澤一盎,紫金被褥香鑪一枚,文犀辟毒箸

雙,碧玉膏簽一合。 今日嘉辰,貴姊懋膺洪册,謹上襚三十五條,以陳踊躍之心。

七寶釵,黃金步搖合歡,圓璫琥珀枕 煮糯,鴛鴦被 金華紫輪帽,金華紫羅面衣,織成上襦,織成下裳,五色交綬,鴛 ,鴛鴦褥 ,金錯繡襠,七寶綦履,五色文玉環 ,九華扇,五明扇,雲母屛風,瑠璃屛風 ,龜文枕,珊瑚玦,瑪瑙 ,同 醧

水香 雲母扇,孔雀扇,翠羽扇 Æ. 層金博山香鱸,囘風扇 ,香螺巵 ,九眞雄麝香,七枝鐙 ,梛葉席,同心梅,合枝李,青木香,沉 o

七七

朝女

子文

邃

卷上

;;;;; ;;;

魏文昭甄后奏辭迎詣行在黃初元年

朝女子交選

妾聞先代之興,所以饗國久長,垂祈後嗣,有不由后妃焉 故

妾自省愚陋,不任粢盛之事;加以寢疾,敢守徵志 必審選其人,以與內敎。今踐阼之初,誠宜登進賢淑,統理六宮, 漢成許皇后上疏言椒房用度

官,數逆至法,踰越制度,當伏放流之誅,不足以塞責。迺壬寅日 下,備後宮掃除,蒙過誤之龍居,非命所當託,洿穢不修,曠賦尸 誇妾布服糲食,加以幼稚愚惑,不明義理,幸得得觅離茅屋之

家,未嘗踰故事。每輒決上,可覆問也。今誠時世異制,長短相補, 大長秋,受詔椒房儀法,御服輿駕,所發諸官署,及所造作,遺賜 ,皆如竟寧以前故事。妾伏自念,入椒房以來,遺賜外

事無有 竊惑焉 諸官 終不肯給妾,繼徵內邪,若不私府小取,將安所仰乎?舊故中宮 乃私奪左右之賤繪,及發乘輿服繪,言爲待詔補巳,而貿易其中, 且令妾被服所為,不得不如前設,妾欲作某屛風張于某所,曰:故 不可哉?又詔書言,服御所造,皆如竟宵前,吏誠不能揆其意 放哉?家吏不曉,今壹受詔如此:且使妾搖手不得 今日日益侵 下省察 , 始謂未央宮不屬妾,不宜獨取也?言妾家府 -- 宦吏忮佷,必欲自勝,幸妾尚貴,時猶以不急事 ,或不能得,則必繩妾以詔書矣。此二事,誠不可行;唯陛 。幸得賜湯沐邑,以自奉養 朝 ,又獲此詔 女子文 **,其操約人,豈有所訴?陛下見妾在** ,亦小發取其中 ル , ,今言無得發取 ,亦不當得 何害于誼 操人;况 椒 房 卽 , 多妾 m ,

出漢制而已。繼微之閒,未必可同。若竟甯前與黃龍前

, 豈相

者,恐失人理。 今但損車駕, 及毋若未央宫有所發遺賜衣服如故 記直豫言,使后知之,非可復若私府有所取也。其萌牙所以約 得蒙恩,以太牢祠,今當率如故事;唯陛下哀之!今吏甫受詔 故杜陵梁美人歲時遺酒一石,內百斤耳。妾甚少之。遺田八子,誠 今世,而比之,豈可邪?故時酒內。有所賜外家,輒上表迺決。又 事,則可矣。其餘誠太迫急,奈何妾薄命,端遇竟甯前;竟甯前於 左右多竊怨者,甚恥爲之。又故事以特牛祠大父母,戴侯敬侯,皆 朝 女子 文 選 卷上 制妥 , 讀

察焉! 後漢班韶爲兄超求代疏

不可若是,事率衆多,不可勝,以文陳俟自見,索言之,唯陛下深

妾同產兄,西域都護定遠侯,超,幸得以微功,特蒙重償,爵

生離 雖欲竭盡其力,以報塞天恩,迫于歲暮,犬馬齒索;蠻夷之性, 七十,衰老被病,頭髮無黑,兩手不仁,耳目不聰明,扶杖 不避死亡, 轉側絶域 **抬軀命,冀立微功,以自陳效** 便爲 逆侮老;而超旦暮入地,久不見代 里歸誠自陳 m 公卿大夫,咸懷一切,莫肯遠慮,如有卒暴超之氣力,不能從心 ,不復相識 , ,曉譬諸國;因其兵衆,每有攻戰,輒爲先登,身被金夷 捐劇家累世之功 ,苦急延頸 賴蒙陛下神靈, ,所與相隨時人士衆,皆已物故,超年最長,今且 , 踰望三年,于今未蒙省錄 ,下棄忠臣竭力之用,誠可痛也 卷上 且得延命沙漠,至今積三十年。骨肉 。會陳睦一 ,恐開姦宄之源 變 ,道路隔絕,超以一身 0 ,生逆亂之心 妾竊聞古者十 乃能行 。故超萬 ٠

女

子

文 選 列通

侯

,位二千石,天恩殊絕,誠非小臣所當被蒙

。超之始

出 ,

,

卷上

六 朝

女子

文 選

五受兵,六十還之,亦有休息,不任職也。緣陛下以至孝理天

域無倉卒之憂,超得長蒙文王葬骨之恩,子方哀老之惠。詩云: 超求哀,勾超餘年。一得生還,復見闕庭,使國永無勞遠之慮,西 得萬國之歡心,不遺小國之臣;況超得備侯伯之位。 故敢觸死 , 為

恐不復相見,妾誠傷超以壯年竭忠孝于沙漠, 民亦勞止,汔可小康,惠此中國,以綏四方。』超有書與妾生訣 疲老則便捐死于曠

母衛姬先請之貸,妾愚戆,不知大義,觸犯忌諱 野,誠可哀憐。如不蒙救護,超後有一旦之變,冀幸超家,得蒙趙 徐漢班昭上鄧太后疏 0

来狂夫之瞽言,納蒭薨之謀慮。妾昭得以愚朽,身當盛明 伏惟皇太后陛下躬盛德之美,隆唐虞之政,闢四門而開四聰 。敢不披

,

降福。昔夷齊去國,天下服其廉高;太伯違邠,孔子稱爲三讓。所 露肝膽,以効萬一?妾聞謙讓之風,德莫大焉。故典墳述美,神祗

以光昭令德,揚名于後者也。論語曰。『能以禮讓爲國,于從政乎 何有?」由是言之:推讓之誠,其致遠矣。今四舅深執忠孝,引身

**釆,以示蟲螘之赤心。** 之名,不可再得。緣見逮及,故敢昧死, 竭其愚情, 自退 魏文宗郭后謝上表黃初三年 ,而以方垂未靜,拒而不許,如後有毫毛加于今日,誠恐推讓 自知言不足

盛位,處中饋之重任 晉賀僑妻于氏上表言養兄子率爲後咸和五年 妾無皇英釐降之節,叉非姜任思齊之倫,誠不足以假充女君之 六朝女子文選 卷上 三

朝女子

選

 上

義無絕離;故使夫僑多立側媵 |賀氏,求妾還,妾姑薄氏過見,矜愍無子,歸之天命,婚姻之好 之。陶氏既產澄酸二男,其後子輝孕,羣卽白薄,若所育是男,以乞 謂親屬曰:于新婦不幸無子,若羣陶新婦生前男以後,當以一子與 妾昔初舉醮歸于賀氏,胤嗣不殖,母兄羣從以妾犯七出,數告 。僑仲兄羣哀妾之身,恕妾之志,數 ,

羣績復以子率重見鎭憮, 其本末者,羣輒責之,誠欲使子一情以親妾,而絕本恩于所生。輝 妾即取還,服藥下乳以乳之。陶氏時取孩抱,羣恆辭止;婢使有言 百餘日,無命不育,妾誠自悲傷,為之憔悴。姑長上下,益見矜憐。 新婦,妾敬諾拜賜。先為衣服,以待其生。輝生之日,洗浴斷臍 不自知非妾之子也。 妾所以訖心盡力, 皆如養輝。故率至于 率生過周,而僑妾張始生子纂,于時

 訖 心 力 義,動于游言,無以自處;妾亦婦人,不達典儀,唯以聞于先姑 陶氏,僑時寢疾曰:吾母兄平生之日,所共議也。陌上遊談之士 生,率既長,與妾九族內外修姑姨之親,而白談者,或以僑既有纂 論其所不解六條,其所疑十事如左:夫禮所謂爲人後者,非養子之 謂妾養率,以爲已子,非所爲人後也。妾受命不天 遽能深明禮情,當與公私共論正之。尋遂喪亡。率旣年小,未究大 六歲,篡年五歲,羣始喪亡。其後言語漏洩,而率漸自嫌為非妾所 ,其率不得久安爲妾子。若不去,則是與爲人後 ,乃以存妾之身。妾所以得終奉烝嘗于賀氏,緣守羣信言也。率年 ,老而見棄,曾無蜾蠃式穀之報,婦人之情,能無怨結?備 六朝女子文選 卷上 。去年,率卽歸還 ,嬰此榮獨 少少

,

,

**羣尚平存,不以爲疑。原薄及羣,以率賜妾之意** 

,非惟以續僑之嗣

朝女子

文選

卷上

謂;而世之不深案禮文,恆令此二事以相疑亂處斷,所以大謬也。 凡言後者,非竝存之稱, 明死乃至喪。生不先養, 今乃以生爲人

子、亂于死爲人後,此妾一不解也。今談者以僑自有篡,不嫌率還本 上非大宗,率不為人後,何係于有篡?與無篡乎?此妾二不解也。 也。原此失禮爲後之意,傳曰:爲人後者孰後?後,大宗也。今僑

**盼之命,而出身于彼,豈不異嬰孩之質,受成長妾人,不識所生,** 宗,此妾三不解也。凡爲後者,降其本親一等。以成人之性,奉父 使百代不遷,故有立後之制;今以兄弟之子,而比之族人之子後大 夫以支子後大宗者爲親屬,旣訖無以序昭穆,列親疏,故系之以宗, 惟識所養者乎了鄙諺有之曰:黃雞生卯,烏雞伏之,但知為烏雞之

子,不知爲黃雞之兒,此言雖小,可以喩大,今以義合之後,比成

矣;今人之中,或復重爲之後,後人者,不一之也。自非狗爵,則 後生而當以為譏, 此妾六不解也。 妾又聞父母之于子,生與養, 是貪財,其舉不主于仁義 故尤之也。非謂如率爲嫡長,先定庶少, 育之子,此妾四不解也。禮傳曰:為人後者為所後,祖父母妻,妻 我畜我,長我育我,顧我復我,出入腹我,欲報之德,昊天罔極! 其恩相半,豈胞胎之氣重,而長養之功輕?孔子曰:『子生三年, 五不解也。與爲人後者,自謂大宗無後,族人又旣已選支子爲之嗣 日為後者,異于為子也,今乃以為後之公義,奪育養之至恩。此妾 之父母昆弟,昆弟之子若子,若子者,義比于子,而恩非子也。故 能凡此所歎, 皆養功也。 螟蛉之體,化于螟嬴,班氏之族,乳虎 然後免于父母之懷,』故服三年。詩曰:『父兮生我,母兮鞠我,拊 **六朝女子交選** 卷上

朝女子文選

卷上

而成髮膚于妾身;推燥居溼,分肌損氣,二十餘年,已至成人,豈 紀也。由此觀之,乳哺之義,參于造化也。今率雖受四體于陶氏,

惟一體之親,故曰兄弟之子,猶己子,故以相字也。今更以一體之 弟夫婦皆一體也,其義父子手足也,兄弟四體也,夫婦判合也。夫 言在名稱之間,而忘成育之功?此妾一疑也。夫人道之親,父子兄

以父之命, 替母之禮;其義安取?蓋取尊父命也。 凡嫡庶不分, 父母,其情一也。而有以父之尊,厭母之親;以父之故,斷母之恩; 親,擬族人之疏,長養之實,比出後之名,此于二疑也。夫子之于

子也。妾之母率,尊命則由羣之成言,本義則僑之猶子,計恩則妾 惟羣所立,是君命制于臣也。慈母如母,生死勿怠,是父命之行于

之懷抱,三者若此,而今棄之,此妾之三疑也。諸葛亮無子,取兄

陳女戴媽生桓公,莊姜以爲已子,言爲已子,取而字之。傳又曰: 此,必不陷子弟于不義,而犯非禮于百代,此妾四疑也。春秋傳曰 嗣,則攀不得還。亮近代之純賢,瑾正逵之達士 , 其兄弟行事如 |蓮子喬爲子,喬本字仲愼,及亮有子瞻,以喬爲頗,故改字伯松 **鸠之子,繫之于夫也。兄弟之子,可以爲子,繫之于祖也。名例如** 可與求禮情矣。以義相況,則宗猶父也,父猶母也。莊姜可得子戴 則成人之後大宗也。荷能別以爲己子與爲人後之子,不同文也,則 省,子也。在母,母之仁也,則蜾蠃之育螟蛉;在子,子之義也, 為人後者,為之子, 往而承之也。取而字之者, 母也;往而承之 諸葛恪被誅,絕嗣,亮既自有後,遣喬子攀還嗣瑾祀,明恪若不絕 不以有瞻而遺喬也。蓋以兄弟之子,猶己子也。陳壽云:香卒之後 六朝女子文選

,

,

,而論者弗尋,此妾五疑也。董仲舒一代純儒,漢朝每有疑議 六朝女子 文 選 卷上

此

**菊薬兒乙,養之以爲子;及乙長,有罪殺人,以狀語甲,甲藏匿乙,** 詩云:『螟蛉有子,蜾蠃負之,』春秋之義,父爲子隱,甲宜匿乙, 甲當何論?仲舒斷曰:甲無子,振活養乙,雖非所生,誰與易之? 詔不當坐。 夫異姓不相為後, 禮之明禁,仲舒之博學,豈闇其義 未嘗不遣使者訪問,以片言而折中焉。時有疑獄曰:甲無子,捨道

哉?蓋知爲後者,不鞠養,鞠養者非後,而世人不別,此妾六疑也。 事日 ··甲有子乙以乞丙,乙後長大,而丙所成育,甲因酒色謂

告縣官,仲舒斷之曰:甲能生乙,不能長育以乞丙,于義已絕矣。 乙曰:汝自吾子,乙怒杖甲二十,甲以乙本是其子,不勝其忿,自

雖杖,甲不應坐。夫拾兒路旁,斷以父子之律,加杖所生,附于不

義斷恩,節文立焉,率情立行者,夷狄之道也。患世人不能錯綜禮 邁 敷陳古今,故卒不復本姓 本左氏之子,為周氏所養,周氏又自有子,時人不達者,亦譏逸, 人後者,止服所後 異姓尚不為嫌,況兄弟之子?此妾八疑也。吳朝周逸博達古今,逸 · 文,表裏仁義,亂于大倫,故漢衰以諸侯嗣天子,各還尊其私親, 也。庶子爲王,不敢服其母,五也。凡此五者,皆制人情 也 後子還所生,朝廷通儒,移其鄉邑,錄淑所養子,還繼秦氏之祀 人後,此妾七疑也。漢代秦嘉早亡,其妻徐淑乞子而養之,淑亡, 坐之條,其爲予奪,不亦明乎?今說者,不達養子之義,唯亂稱爲 0 爲父後者 朝女 ,爲出母無服,三也。諸侯之庶子,不得服其母 子文選 ,而爲本父服周 卷上 ,識學者咸謂爲當矣。此妾九疑也。爲 ,一也。女子適人,降所生 ,禮稱以 0 ,

JL

六朝女子文選

卷上,

以為得周公嚴父之義;而不知其大悖國典。 夫未名之子, 死而不

賓客不修弔問之禮,豈不以其蠢爾初載,未夷于人乎?生而殺之如 者,君子不受不慈之責,有司不行殺子之刑,六親不制五服之哀, 哭,旣名之後,哭而不服,三殤之差,及至齊斬,所廩所受,其體 一也;而長幼異制, 等級若此。又今世人, 生子往往有殺而不舉

子之恩,自同長養之功,此妾十疑也。 此,生而棄之,受成長于他人,則追名曰。本吾子也,乃全責以父 覃遐慶,式延於遠;而妾顏訓養非恩憮導乖理情闕引進義違覓幎。 傳,孝武皇帝,敕妾子臣子嗣出繼爲後。旣承國祀,方奉烝薦,庶 故東平沖王休倩;託荄璿極,岐嶷夙表, 朱昭容謝氏請還子嗣本屬表 降年弗永, 遺胤英

掩,自茲以後,專縱嚴酷,實顯布宗戚,宣灼宮闈,用傷人倫,爰惻 世祖平日詭申慈愛,崩背未幾,眞性便發,猶逼畏崇,憲少欲藏

宋臨川長公主上表乞還身王族

還依本屬,則妾母子,雖隕之辰,猶生之年

0

,曲垂照賜復改命

行路,妾天屬冥至,感切實深。伏願乾渥廣臨

假息朝夕,情寄所鍾,唯在一子,契闊荼炭,特棄憐愍,否泰枯榮 妾遭隨奇薄,絕於王氏,私庭囂戾,致此分異。今孤疾覺然,

朝慈愛,鑒妾丹哀,苦賜使息徹歸第定省,仰揆天旨,或有可尋 繫以爲命, 實願申其門釁,還爲母子, 推遷僶俛 ,未及自聞 Q 先

今事迫誠切,不顧典憲,敢緣恩燾,觸冒披聞,特乞還身王族,守 養弱嗣,雖死之日,實甘於生 朝 女子文選

三四

隋蘭陵公主臨終上煬帝表

朝女子

文 選

**背共姜自誓,著美前詩;鄎嬀不言,傳芳往**誥

慕古人。生旣不得從夫死,乞葬于柳氏 後魏宣武靈胡后賜崔亮璽書

0

0

妾雖負罪,竊

**硤石旣平,大勢全舉,淮堰孤危,自將奔遁。若仍敢遊魂** 

渡掠 經略 當易以立計撝翦蟻徒,應在旦夕。將軍推轂所憑 ,宜共協齊,必令得掃盪之,理盡彼遺燼也 ,截扼其咽喉,防塞走路,期之全獲,無令漏逸 ,親對其事 0 隨便守禦,及分 U 若畏威降首 ,處分 此

者,自加蠲宥,以仁爲本,任之雅算,一二往使別宣 0

後漢和熹鄧后免馬融制

融典校祕書,不推忠盡節,而羞薄詔,除希望欲仕州郡,発官

勿罪。

漢元王皇后賜公孫弘子孫當爲後者爵詔元始二年四月

背者管仲相齊桓,霸諸侯,有九合一匡之功;而仲尼謂之不知禮; 以其奢泰,侈擬於君故也。夏禹卑宫室,恶衣服,後聖不循,由此 要,在於節儉。孝經曰:安上治民,莫善於禮,禮與奢也,甯儉。 太皇太后韶大司徒大司空:蓋聞治國之道,富民爲始;富民之

也。孔子不云乎:『子率以正,孰敢不正?』舉善而教,不能則勸 務哉!夫三公者,百寮之率,萬民之表也。未有樹直表而得曲影者 而骨肉之恩親,爭訟之原息,斯乃家給人足,刑錯之本也歟!可不 言之,始之盛也。德優矣,莫高于儉;儉化俗民,則尊卑之序得

維漢與以來,股肱宰臣,身行儉約,輕財重義,較然著明,未有若

朝女子文

卷上

六朝

文 選

卷上

故丞相平津侯公孫弘者也。位在丞相,而為布被,脫粟之飯,不過 以病乞骸骨,孝武皇帝卽制曰:賞有功,褎有德,善善惡惡,君宜 也。德優則行,否則止,與內奢泰而外爲詭服,以釣虛譽者殊科 知之。其省思慮,存精神,輔以醫藥, 賜告治病牛酒雜帛。 而外從制,汲黯詰之, 乃聞於朝,此可謂減於制度, 而可施行者 肉 ,放人所善賓客,皆分奉祿以給乙,無有所餘,誠內自克約 居數 ,

**者,爵關內侯,食邑三百戶,徵詣公車上名尙書,朕親臨拜焉。** 所以率俗勵化。聖王之制,不易之道也。其賜弘後子孫之次當為後 此其效也。弘子度嗣爵,後為山陽太守,坐法失侯,夫表德章義 月,有瘳 漢元王皇后非坐不道無得繫婦女老弱詔元始四年五月 ,視專,至元狩二年,竟以善終於相位。夫知臣,莫若君

,

惟苛暴吏 欲以防邪辟 蓋夫婦正,則父子親、人倫定矣。前詔有司,復貞婦,歸女徒 ,多拘繫犯法者親屬,婦女老弱 。全貞信及眊悼之人,刑罰所不加,聖王之所制 ,排怨傷化 ,百姓苦之。 世 , 9

誠

其明敕百寮婦女,非身犯法,及男子年八十以上,七歲以下,家非 敍之。朕以皇帝幼年 坐不道,詔所名捕,它皆無得繫,其當驗者,卽驗問,定著令。 蓋聞帝王以德撫民,其次親親,以相及也。背堯睦九族。 漢元王皇后置宗師詔元始五年正月 ,且統國政,惟宗室子;皆太祖高皇帝子孫 舜惇

民興於仁?其爲宗室自太上皇以來,族親各以世氏郡國,置宗師以

六朝女子文

選

卷上

三七

相糾,或陷入刊罪,敎訓不至之咎也。傳以云乎,君子篤於親

及兄弟吳頃楚元之後。漢元至今十有餘萬人,雖有王侯之屬

, 莫能

,

,則

朝女子文

選

卷上

寃失職者,宗師得因郵亭書言宗伯,請以聞。常以歲正月,賜宗師 帛各十匹 糾之,致教訓焉。二千石選有德義者以爲宗師,考察不從教令,有 0

後漢明德馬后辭封舅氏詔

不可。且先帝言,諸王財令半楚淮陽王,吾子不當與光武帝子等 令在樞機之位。今水旱連年,民流滿道,致有飢餓,而施封拜失宜 外戚横恣,為世所傳。永平中,常白簡練,知舅氏不可恣,不

,

,

但布帛耳 人之德,身服大練綠裙,食不求所甘,左右旁人,皆無香薰之飾 **今奈何欲以馬氏比陰氏乎?吾自束脩** 。如是者,欲身帥衆也。以爲外親見之,當傷心自克,但 ,冀欲上不覓先帝,下不虧先 ٥

反共言太后素自喜儉。前過濯龍門,上見外家問起居,車如流水馬

怒,但絕其歲用,冀以默止讙耳。知臣莫若君,況親屬乎?人之所 如龍 ,蒼頭衣綠直領,領袖正白,顧視旁御者,遠不及也。亦不譴

以欲封侯者,欲以祿食養其親,奉修祭祀,身溫飽耳。今祭祀則受

大官之牲,郡國旣珍司農黍稷,身則衣御府之餘繪,尚未足邪?必

早連年,民流滿道,至有餓餒者,而欲施封爵,上行之爲失政,臣 有舊典,舅氏一人,封也。吾非謙而不爲,誠昧所可耳。今水

當得一縣,上令長樂宮有預言之責,內亦不愧于世俗乎?

御者,出不及履而至門,此蘧伯玉之敬也。又有好賢下士吐握之名。 與光武帝子等,今何以馬氏比陰氏乎?且陰衛尉,天下稱之,省中 受之為喪軀,不可明矣。先帝嘗言,諸王財令半楚淮陽,吾子不當

親陽侯雖剛强微失理,然有方略,據地談論,一朝無雙。原鹿貞侯 六朝 女子文選 卷上 三九

朝女子文選

卷上

之不舍晝夜,而親族犯之不止,治喪起墳,又不時覺,是吾言之不 吾不才,夙夜累息,常恐虧先后之法,有毛髮之罪,吾不釋也。言 勇猛誠信,此三人者,天下選臣,豈可及哉?馬氏不及陰氏遠矣。 立耳,目之塞也。吾萬乘主,身服大鍊,食不求甘,左右旁人,無

傷心自刻,但發笑言,太后素好儉。前過濯龍門,上見外家車如流 水馬如龍,吾亦不譴怒之;但絕其歲用。冀以默媿其心;而猶駑怠

無憂國忘家者,知臣莫若君,況親屬乎?

香薰之飾衣,但布帛如是者,欲以身率服衆也。以為外親見之,當

凡言事者,皆欲媚朕,以要福耳。昔王氏五侯,同日俱封,其 ,爲

時黃霧四塞,不聞澍雨之應。又田蚡竇嬰龍貴橫恣,傾覆之禍

世所傳。故先帝防慎舅氏,不令在樞機之位,諸子之封,裁令半楚

氏乎?吾為天下母,而身服大鍊,食不求甘,左右但著帛布,無香 淮陽諸國,常謂我子,不當與先帝子等,今有司奈何欲以馬氏比陰

素好儉 薰之飾者 歲用而已。冀以默愧其心;而猶懈怠,無憂國忘家之慮,知臣莫若 **倉頭衣綠構,領袖正白,顧視御者,不及遠矣。故不加譴怒,但絕** 況親屬乎?吾豈可上貧先帝之旨,下虧先人之德,重襲西京敗 。前過濯龍門,上見外家問起居者,車如流 ,欲身率下也。以爲外親見之,當傷心自敕 水 و ,但笑言大后 馬 如游龍 ,

吾反覆念之,欲令兩善,豈徒欲獲謙虛之名,而令帝受不外施

後漢明德馬后報章帝重請封諸舅詔

亡之禍哉?

之嫌哉?竇太后欲封皇父,曲周侯言高祖要無軍功,非劉氏不封; 六 女子 文 選 卷上

六朝女子文選

卷上

必傷也。且人以所欲封侯者,欲以祿養親,奉祭祀,身溫飽也。祭 歲湯火之憂也。 奈何欲以此時,封爵舅氏? 令吾無面目于園陵 今馬后無功于漢,不得與陰郭中興之后等也。今輦轂下,民食不造, 而令帝不知稼穡之艱難?不可明矣。吾懼富貴重疊,若再實木根 , , ,

吾計之孰矣,勿有疑至孝之行,安親爲上。今遭變異,穀價數倍 祀則受大官之賜,其身則御府之餘,尚未足邪?而必當一縣封乎? ,

君也,吾以未逾三年之故,自吾家族,故得專之,穰歲之後,行子 之志,吾但當含飴弄孫,不能復知政 不可不順。子之未冠,由于父母,已冠成人,則子之志。念帝,人 0

憂惶晝夜,坐起不安;而欲違慈母之拳拳?吾素剛急,有胸中氣

,

吾反覆念之,思令兩善,豈徒欲獲謙謙之名,而令帝受不外施

之嫌哉?昔竇太后欲封王皇后之兄,丞相條侯言受高祖約,無軍 功

之行,安親爲上,今數遭變異,穀價數倍,憂惶晝夜,不安坐臥; 資,斯豈以足,而必當得一縣乎?吾計之孰矣,勿有疑也。夫至孝 欲上奉祭祀,下求溫飽耳。今祭祀則受四方之珍,衣食則豪御府餘 費之家,祿位重疊。猶再實之木,其根必傷。且人所以願封侯者 非劉氏不侯;今馬氏無功于國,豈得與陰郭中與之后等邪?常觀富

,

而欲先營外封,違慈母之拳拳乎?吾素剛急 也。若陰陽調和,邊境清靜,然後行子之志:吾但當含飴弄孫,不 ,有胸中氣 ,不可不順

能復關政矣。

後漢明德馬后詔三輔

諸馬婚親 ,有囑託郡縣,干亂吏治者,以法聞

Θ

朝 女子文選 卷上

四四四

八朝女子文選 卷上

後漢和熹鄧后減服御韶 目夏以來,陰雨過節,煗氣不效,將有厥咎。思惟傑失,深自

克責,寐寤憂惶,未知所由。昔夏后惡衣服非飲食,孔子曰: 無閒然。」今新遭大憂,且歲節未和;徹膳損服,庶有補焉。其減 雪哥

後漢和熹鄧后遺掖庭宮人詔

大官導官尙方內署諸服御珍膳,靡麗難成之物

詔司徒大司農長樂少府曰:朕以無德,佐助統政,夙夜經營,

情。諸官府郡國王侯家奴婢姓劉及疲癃羸老,皆上其名,務令實悉 族,甚可愍焉。今悉免遣,及掖庭宫人皆為庶民;以抒幽隔鬱滯之 **今,八十餘年,宮人歲增房御瀰廣,又宗室坐事沒入者,猶託名公** 懼失厥衷。思惟治道,由近及遠,先內復外。自建武之初,以至于

後漢和熹鄧后舉隱逸大儒韶延平元年六月

易稱天垂象,聖人則之,又云,聖人之情,見子辭;然則文章

拾而弘之,至乎元康五鳳之間,英豪四集,文章煥炳,六經之學,

之作,將以幽讚神明,變陽萬物。秦燔詩書,禮壞樂崩;大漢之與,

于斯爲盛。自頃以來,學者怠惰,遂以陵遲。宜令公卿中二千后,

各舉隱逸大儒,碩德高操,以勸後進。

後漢和熹鄧后檢敕外戚詔

每覺前代外戚賓客,假借威權,輕薄認調;至有濁亂奉公,爲

敬順之志;而宗門廣大,姻戚不少,賓客姦猾,多干禁憲,其明加 人患苦,给在執法怠懈,不輒行其罰故也。今車騎將軍騰等,雖懷

四五

六朝女子文選

卷上

檢敕,勿相容護

朝

女 子 文 選

後漢和熹鄧后韶河南尹鄧豹等元初六年

薄 觸羅網 以匡失俗 忠孝。先公旣以武功書之竹帛,兼以文德敎化子孫;故能束修,不 敗所從來也。永平中,四姓小侯,皆令入學;所以矯俗厲薄,反之 食祿之家,溫衣美飯,乘堅驅良 ,巧偽滋生,五經衰缺,不有化導,將遂陵遲;故欲褒崇聖道 吾所以引納羣子,置之學官者;實以方今承百王之敝,時俗淺 。誠令兒曹上述祖考休烈,下念詔書本意,則足矣。其勉之 。傳不云乎,飽食終日 ,而面牆術學,不識臧否,斯故禍 ,無所用心,難矣哉。今末世貴戚

哉!

後漢順烈梁后禀窮弱葬枯骸詔本初元年二月庚辰

尸原野。昔之爲政,一物不得其所,若已爲之;况我元元,嬰此困 九江廣陵二郡,數離寇害,殘夷最甚;生者失其資業,死者委

葬枯骸,務加埋卹,以稱朕意。 毒。方春戒節賑濟乏戹掩骼埋胔之時,其調比郡見穀出。禀窮弱收 後漢順烈梁后嚴選舉詔本初元年七月

元。頃雖頗繩正,猶未懲改。方今准夷未殄,軍師屢出,百姓疲悴, 詔書連下,分明懇惻;而所在翫習,遂至怠慢,選舉乖錯,害及元 孝廉康吏,皆當典城,牧民禁姦,舉善興化之本,恆必由之。

困于徵發。 無望羣吏惠我勞民, 蠲滌貪穢,以祈休祥。其令秩滿

絕邪偽,請託之原。令廉白守道者,得信其操,各明守所司,將觀 百石十歲以上,有殊才異行,乃得參選。贓吏子孫,不得察舉。杜 六朝女子文選 卷上 四七

厥後 o

> 六 朝 女

子文

選

卷上

後漢順烈梁后葬死者詔建和三年十一月甲申

掩岗之義。其有家屬而貧無以葬者,給直人三千喪主布三匹;若無 如疾首。今京師廝舍,死者相枕,郡縣阡陌,處處有之,甚違周文 **朕攝政失中,災眚連仍,三光不明,陰陽錯序,監寤寐歎,疢** 

親屬,可于官壖地葬之,表識姓名,為設嗣祭。又徒在作部疾病 ,

察,務崇恩施 致醫藥死亡,厚埋藏民。有不能自振及流移者,禀穀如科。州郡檢 ,以康我民 0

北魏宣武靈胡后賜路邕韶

就溝壑;而邕自出家粟,賑賜貧窟,民以獲濟;雖古之良守,何以 邕蒞政淸勤,善綏民俗;比經年儉,郡內饑饉 ,羣庶嗷嗷 ,

倘茲?宜見霑鍚,以垂獎勸。 可賜龍廐馬一匹,衣一襲, 被褥了

0

具。班宣州鎮,咸使聞知 此乃學者之根源,不朽之永格;垂範將來,憲章之本,便可依 北魏宣武靈胡后報崔光求補治石經詔神龜元年春

北魏宣武靈胡后定權衡詔

公表。

心既久,可令更集儒貴,以時驗决。必令權衡得中,令寸籥不舛。 謹權審度,自昔令典,定章革歷,往代良規。匡宗室賢亮,留

所箴下章,戢之不忘。 後魏文成文明馮后答程驗表上慶國頌令太和五月 省詩表,聞之歌頌宗祖之功德,可爾。當世之言,何其過也。 六朝女子文選 卷上 四九

形の

後魏文成文明馬后答程駿表上得一頭令

郭女

子文選

卷上

謂 闕矣。可于閒靜之所,別置學館,選忠信博聞之士,爲之師傅,以 0 後魏文成文明馮后為咸陽王禧選師傳令太和元年 省表幷碩十篇,聞之鑒戒旣備,良用欽翫!養老乞言,其斯之 自非生知,皆由學誨,皇子皇孫,訓敎不立,溫故求新 ,蓋有

匠成之。

樂章,參探音律,除去新聲不典之曲 先王作樂,所以和風改俗,非雅曲正聲,不宜庭奏。可集新舊 後魏文成文明馮后定樂章令太和十一年春 ,禪增鐘縣鏗鏘之韻

後魏宣武靈胡后禁私度僧令熙平二年春

諸王及親貴,亦不得輒啓請。有犯者以違旨論 級連坐,統及維那移五百里外異州為僧 行 中 州二百人,小州 ,不得濫採 年常 ,亦移五百里外爲僧。僧尼多養親識及他人奴俾子,年大私度 度僧依限 。若取非人,刺史為首,以違旨**論** 一百人 ,大州應百人者 。州統維那與官及精練簡 ,州郡于前十日解送三百人 0 自今奴婢,悉不聽 。其僧尼輒度他人奴 。太守縣令綱寮節 取充數;若無精 出家 , 0

五百里 爲弟 -}-٤ ,自今斷之。有犯還俗,被養者歸本等。寺主聽容一人出寺 二人千里,私度之僧 ,皆由三長,罪不及已。容多隱濫 縣 滿 , ,

婢者

十五人,郡滿三十人,州鎮滿三十人,冤官僚吏節級連坐。私度之 自今有一人私度 當州 朝 下役 女子文 ,皆以違旨論 0 選 卷上 0 鄰長為首 ,里黨各相降 £. ---等 O°

朝 女 子

文 選

卷上

親親之義篤,骨內之恩重,尚書以遠,及諸孫太廣,致疑百僚 議親律注云 後魏宣武靈胡后許江陽王繼助祭令熙平一年七月 ,非唯當世之屬,藉,歷 ,謂先帝之五 世, 此

万明

助 ,

憲、 祭可得言狹也。祖廟未毀,曾玄不預壇堂之敬,便是宗人之昵,反 外于附庸;王族之近,更疏于羣辟。先朝舊儀,草剏未定,刊制律 垂之不朽。琰之援據 漢元王皇后册罷董賢 , 甚充情理 ,可依所執 o

也。 輔也;高安侯賢,未更事理,爲大司馬不合衆心,非所以折衝綏遠 其收大司馬印綬 閒者以來,陰陽不調,菑害並臻,元元豪辜。夫三公,鼎足之 , 罷歸第 0

後漢順烈梁后册趙峻爲太傅李固爲太尉建康元年八月

三公,國之植幹,朝廷取正,以成斷金。太尉趙峻,貳掌樞衡

風。其以峻爲太傅,固爲太尉,參錄尚書事。 有匪石不二之心;大司農李固,公族之苗,忠直不囘,有史魚之 漢元王皇后策免彭宣元壽二年七月 惟君視事日寡,功德未效,迫于老眊昏亂,非所以輔國家綏海

內也。使光祿勳豐册詔君,其上大司空印綬,便就國 ,太皇太后使謁者僕射,策詔之曰:著聞古者有司年,至則致仕; 惟元始二年六月,庚寅,光祿大夫太中大夫耆艾二人,以老病 漢元王皇后策遣龔勝刚漢元始二年六月

夫,其上子若孫若同產子一人,大夫其修身守道,以終高年。賜帛 所以恭讓,而不盡其力也。 今大夫年至矣, 朕愍以官職之事煩大 六朝女子文選 卷上

五四

及行道舍宿,歲時羊酒衣衾,皆如韓福故事

朝

女子

文 選

卷上

後漢和熹鄧后賜周馮貴人歸園策延平元年三月

**今當以舊典分歸後園,相戀之情, 慘結增歎,燕燕之詩, 曷能喩** 祐 ,先帝早棄天下,孤心煢煢,靡所瞻仰!夙夜永歎,感愴發中 **朕與貴人,託配後庭,共歡等列,十有餘年。上天不弔,不獲福** 

焉!其賜貴人王青蓋車来飾輅驂馬各一駟,黃金二十斤,雜帛三千 匹,白越四千端,又賜馮貴人王赤綬以未有頭上步搖,環佩,加賜

各一具。

後漢和熹鄧后敕司隸校尉部刺史實毅水災延平元年七月 夫天降災戾 ,應政而至。閒者郡國或有水災,妨害秋稼

,朝廷

惟咎,憂惶悼懼。而郡國欲獲豐穰,虛飾之譽;覆遂蔽災害,多張

懇田;不揣流亡,競増戸口;掩匿盜賊,令姦惡無懲。署用非次

**遷舉乖宜。貪苛慘毒,延及平民。刺史垂頭塞耳,阿私下比,不畏** 于天,不愧于人。假貸之恩,不可數恃。自今以後 ,將糾其罰

千石長吏,其各實竅所傷害 魏文德郭后敕外親劉斐 ,爲除田租芻稾

Q

諸親戚嫁娶,自當與鄕里門戶匹敵者,不得因勢彊與他方人婚

也

o

爲罰首。 魏文德郭后敕諸家 今世婦女,少當配將士,不得因緣取以爲妾也。宜各自愼, 無

魏文德郭后敕戒郭表孟武等

朝女子文 窶 卷上

五五五

六 朝女子 文 選 卷上 五六

魏文德郭后止孟武厚葬其母 漢氏椒房之家少能自全者,皆由驕奢,可不慎乎? 自喪亂以來,墳墓無不發掘,皆由厚葬也。首陽陵可以爲法

北齊趙桃科妻劉氏造像記

Q

敬造石像一堪。願亡者獲果!存者延遐!有形之類,咸同斯福 劉 。知善可崇,知惡可捨。上爲皇帝陛下,見存眷屬,亡過父母 武平三年十二月十八日 戏昭將軍伊陽城騎兵參軍趙桃科妻 ,

信弟子孟阿妃敬為忘夫朱元洪及息子敖息子推息白石息康奴息女雙 姬等,敬造老君像一區。今得成就。願亡者去離三塗,永超八難 大齊武平七年,歲次丁酉二月,甲辰,朔,廿三日,丙寅,清 北齊朱元洪妻孟阿妃造老君像記

道。 上昇天堂,侍爲道君。芒芒三界, 蠢蠢四生,同出苦門,

俱昇上

六朝女子文選

卷上

五七

**六朝女子文**卷上

漢魏六朝女子文選有韵文第一

## 卷下

漢班倢伃自悼賦

襄閻之為郵!美皇英之女虞兮,榮任姒之母,周雖愚陋其靡及兮, 於增成。旣過幸於非位兮,竊庶幾乎嘉時;每寤寐而窒息兮,申佩 後庭。蒙聖皇之渥惠兮,當日月之盛明;揚光烈之翕赫兮,奉隆寵 離以自思 敢舍心而忘茲?歷年歲而悼懼兮,閔蕃華之不滋!痛陽祿與柘館兮 承祖考之遺德兮,何性命之淑靈?登薄軀於宮闕兮,充下陳於 。陳女圖以鏡監兮,顧女史而問詩;悲晨婦之作戒兮,哀

朝女子文選

文選 卷下 二

六朝女子

襁褓而離災。豈妾人之殃咎兮?將天命之不可求,白日忽已移

兮若浮!已獨享兮高明,處生民兮極休!勉虞精兮極樂,與福祿分 涕兮横流!顧左右兮和顏,酌羽觴兮銷憂,惟人生兮一世,忽一過 處,君不御兮誰爲榮!俯視兮丹墀,思君兮履綦,仰視兮雲屋,雙 虚兮風冷冷,感帷裳兮發紅羅,粉綷縩兮桃素聲,神眇眇兮密靚 闥 扃,華殿塵兮玉階語,中庭萋兮綠草生,廣室陰兮帷幄暗,房櫳 骨於山足兮,依松柏之餘休!重曰:潛玄宮兮幽以淸,應門閉兮禁 於東宮兮,託長信之末流。共酒埽於帷幄兮,永終死以爲期,願歸 光兮,遂腌莫而味幽。猶被覆載之厚德兮,不廢捐於罪郵,奉共養 無期!綠衣兮白華,自古兮有之。 漢班倢伃擣素賦

乃廣儲 其層; 皎若 振 趙女抽篭而絕聲 投香杵 ,匪瑟 珠佩之精明。若乃盼睞生姿,動容多製,弱態 風 ,散繁輕 軒 明 測 ,步步生芳 懸月 勝雲霞之邇日 平分以知歲,酌玉衡之初 魄之升崖 而 結 匪 扣扣 而浮 ・。暉 睇 琴 玫砧 , Q 或旅環而舒鬱,或相參而不雜 水流清 對愁雲之浮沈;雖 楗 兩 ,改容飾而相命,卷霜 ,煥若荷 ,節疎亮而清深;含笙撼筑 **,擇鸞聲** 壓 ۶ 如點 似桃李之向 ,桂露朝滿 華之昭晰;調鉛 ,雙眉 ,爭鳳音; 臨 春;紅黛 松梧之貞脃 如 見禽華以廣色,聽霜鶴 張 梧因 帛而下庭,曳羅 ,頹飢柔液 無以玉 組媚 虚 而調遠 , ,豈榮彫其異心 , 或將往而 比玉鼐金 其貌 含羞 約 ,音性閑良 ,柱由 組流 ,凝朱 2 族風 裙之綺靡 之傳音 ,不 丽 中 光 「貞而響 遠 木 靡 未 9 笑笑 墳不 能 吐 ? 。於 ,或 麗

異

;

2

٥

钥

女

子

文

選

女子

文選

已離而復合;翔鴻爲之徘徊,落英爲之颯沓;調非常律,聲無定本,

擇玄黃之妙匹,準華裁於昔時,疑形異於今日。想嬌奢之或至,許 寡鸞之命羣 ,哀離鶴之歸晚 。 當是時也:鍾期改聽,伯牙弛琴, 章,發東山之詠;望明月而撫心,對秋風而掩鏡,閱絞練之初成, 窈窕妹妙之年,幽閑貞專之性,符皎日之心,甘首疾之病,歌釆綠 桑間絕響,濮上傳音;蕭史編管以擬吹,周王調笙以象吟。若乃之 任落手之參差,從風賤之遠近。或連躍而更投,或暫舒而長卷,清

里兮飲淚。侈長袖於妍衭,綴牛月於蘭襟,表纖手於微縫,庶見迹 椒蘭之多術,勳陋製之無韵,盧蛾眉之為愧,懷百憂之盈抱,空千 而知心。訅烝路之遐敻,怨芳菲之易泄,書旣封而重題,笥已縅而

更結,慚行客而無言,還空房而掩咽。

後漢班昭東征賦

隨子乎東征。時孟春之吉日兮,撰良辰而將行。乃舉趾而升輿兮, 蠡兮,得不陳力而相追。且從衆而就列兮,聽天命之所歸。簻通衢 夕予宿乎偃師。遂去故而就新兮,志愴悢而還悲。明發曙而不寐兮 ,心遲遲而有違。酌罇酒以弛念兮,喟抑情而自非。諒不登鬞而椓 子穀爲陳留長,大家隨至官,作東征賦。惟永初之有七兮,余

邑而觀覽兮,遭鞏縣之多艱。望河洛之交流兮,看成皋之旋門;旣 之大道兮,求捷徑欲從誰?乃遂往而徂逝兮,聊游目而遨魂。歷七 **免脫于峻嶮兮,歷榮陽而過卷,食原武之息足,宿陽武之桑間。涉** 封丘而踐路兮,慕京師而竊歎。小人性之懷土兮,自書傳而有焉。

朝女子文選

卷下

**遂進道而少前兮,得平丘之北邊。八匡郭而追遠兮,念夫子之厄勤** 

女

朝

子 文

榛。惕覺寤而顧問兮,想子路之威神。衛人嘉其勇義兮,訖于今而 **旨。到長垣之境界,察農野之居民;睹蒲城之丘墟兮,生荆棘之榛** 稱云。蘧氏在城之東南兮,民亦尚其丘墳。唯令德為不朽兮,身旣 彼衰亂之無道勞,乃困畏乎聖人。悵容與而久駐勞,忘日夕而將

敏,敢不法兮。貴賤貧富 精神通於明神。庶靈祗之鑒服兮,祐貞良而輔信。亂曰:君子之思 力行而近仁。勉仰高而蹈景兮,盡忠恕而與人。好正直而不囘兮, 言信而有徵。後衰微而遭患兮,遂陵遲而不興。知性命之在天,由 沒而名存。惟經典之所美兮,貴道德與仁賢。吳札稱多君子兮,其 必成文兮。盍各言志,慕古人兮。先君行止,則有作兮。雖其不 ,不可求兮。正身履道,以俟時兮。 脩短

之運,愚智同兮。靖恭委命,唯吉凶兮。敬慎無怠,思嗛約兮。清

靜少欲,師公綽兮。

後漢班昭鍼縷賦

惟鍼縷之列迹,信廣博而無原。退逶迤以補過,似素絲之羔羊。 鎔秋金之剛精。形微妙而直端;性通達而漸進,博庶物而一貫

後漢班昭大雀賦

何斗筲之足算,咸勒石而升堂

O

嘉大雀之所集,生崐崙之靈丘。同小名而大異,乃鳳凰之匹儔。 大家同產兄西域都護定遠侯班超獻大雀、詔令大家作賦日

還有德而歸義,故翔萬里而來遊。集帝庭而止息,樂和氣而優游。 上下協而相親,聽雅頌之雍雍。自東西與南北,咸思服而來同 0

晉左九嬪雖思賦

朝

女子文選

卷下

生蓬戶之側陋兮,不閑習於文符。不見圖畫之妙像兮?不聞先 文 選 卷下

朝

怵惕以憂懼。懷思慕之切怛兮,棄始終之萬慮。嗟隱憂之忱積兮, 哲之典謨?既愚陋而寡識兮,謬忝側於紫廬。非草苗之所處兮,恆 獨鬱結而靡訴!意慘情而無聊兮,思纏縣以增慕。夜耿耿而不寐兮

兮,氣懰慄以洌清。懷愁戚之多感兮,患涕淚之自零!昔伯瑜之婉 **魂憧憧而至曙。風騷騷而四起兮,霜皚皚而依庭。日璀曖而無光** 

變兮,每綵衣以娛親!悼今日之乖隔兮,奄與家爲寥辰。豈相去之 以歔欷兮,涕流射而沾巾。惟屈原之哀感兮,嗟悲傷於離別。彼城 闕之作詩兮,亦以日而喩月。況骨內之相於兮,永緬邈而兩絕。長 云遠兮!曾不盈乎數尋!何宮禁之清切兮,欲瞻覩而莫因 1仰行雲

含哀而抱戚兮,仰蒼天而泣血。亂曰:骨肉至親,化爲他人,永長

辭兮!慘愴愁悲,夢想魂歸!見所思兮,驚寤號眺,心不自聊,泣

晋左九嬪松柏賦 晋左九嬪松柏賦

列疏實之離離,馥幽藹而永馨。紛翕習以披離,氣肅肅以清冷。應 擢脩本之丸丸,萃綠葉之芬葩。敷纖莖之蘢蓯,布秀葉之慈青 何奇樹之英蔚。記峻岳之嵯峨。彼玄澗之逶迤,臨滾水之素波 Q

松遊其下而得道,文賓後其實而長生。詩人歌其榮蔚,齊南山以永 霜 長風以鳴條。似絲竹之遺聲。禀天然之貞勁,經嚴冬而不零。雖凝 而挺幹,近青春而秀榮。若君子之順時,又似乎眞人之抗貞。赤

前。

晉左九嬪溶漚賦

六朝女子文選 卷

女子文選 卷下

O

朝

0 不係根於獨立,故假物以資生。體珠光之皎皎,若凝霜之初成 覽無類之肇化 0 何溶漚之獨靈!禀陰精以運景, 因落雨而結 9

形

難 色鮮熠以熒熒, ,其敗亦以易也 似融露之將渟。止不長消,存不久寄,其成不欲 o

晉鍾琰遐思賦

追 來多方,慨然我懷,感飛鳥之反鄉,詠衛女之思歸。于是周遊容與 不我留,謀民生之未幾,吾何爲其多愁?涼風蕭條 坐虛堂而無寥!嗟我心之多懷,悵遐思而內結!嗟爾姜任 惟仲秋之慘悽,百草萎悴而變衰,燕翔逝而歸海,蟋蟀鳴而相 ,露霑我衣;憂 , 邈

**予東勝角武,逍遙彷徨,悲民生之局促,願輕舉之遐翔** 

晉陳窈箏賦

夫爭之爲體,惟高亮而殊特。 應六律之修和,與七始乎消息 Q

八音之精要 伊 ,超衆器之表式 。后夔創制子野 風而熙泰,羌貫微而 ,考成 列柱成律 。牙 0 旣

利且平,度中楷模,不縮不盈,總八

洞靈

皎如 獸連軒而 氏攘袂而奮手 復囘 率舞 0 爾乃祕豔曲 ,鳳踉蹌而集庭。汎濫浮沈 ,鍾期傾耳以靜聽 ,卓礫殊異,周旋去留 。奏清角之要妙,詠騶虞與鹿 ,逸響發揮 ,千變萬態 ,翕然若絕 0 鳴 o ,

超離親而獨寄 ,與憂憤而長俱;雖亮分以自勉 ,曾無閒乎須臾

晉

王砌之懷思賦

思遙遙而 忡惙,疾結滯乎飢膚。憶昔日之懽侍,奉膝下而怡 裕

0

集同 恆鳥之將分了猶哀鳴以告離。 生而 六 從容 朝 女 ,常欣泰以逸豫。何運遇之偏 子 文 選 卷下 况遊子之眷慕,孰殷思之可靡?于是 否?獨逐隔 于修路;何

朝 女 子 文 選 卷下

六

翼而高舉,志眇眇而遠馳,悲離思而嗚咽, 仲秋蕭索,蓐收西御,寒露霄零。落葉晨布,羨歸鴻之提提,振輕 彼邁物而推移,何予思

之難泄!聊擥翰以寄懷,悵辭鄙而增結

Ģ

沈馨。翠穎競臻,衆條頻英。或異色同形,或齊芳殊制,自然神杳 千葩粲其昭晰兮,百卉蒨而同榮;蘭圃翹以含芳兮,芝薄振而晉王劭之春花賦

,

練若珊瑚之映月。詩人詠以託諷,良喩美而光德,準工女于妙規 不可勝計。爛岩羅秀之垂光,灼若隋珠之宵列,爽若翡翠之羣翔 飾王后之首則 , ,

晉孫瓊悼艱賦

0

伊禀命之不辰,遭天難之靡忱!夙無父之何怙!哀壅瘁以抽心

伊三從而有歸;爰奉嬪于他族。仰慈姑之惠和,荷仁澤之陶渥 !覽蓼莪之遺詠,詠肥泉之餘音。經四位之代謝,雖積祀而思深 釋 Q

**婺服以斬衣,代羅幃以縞布,仰慈尊以飲泣,撫孤景以協慕,遇飛** 廉之暴骸,觸驚風之所會,扶搖奮而上躋,頹雲下而無際。頓余邑

之當春,望峻陵而鬱青。瞻空宇之寥廓,愍宿草之發生。顧南枝以

永哀,向北風以飲泣。情無觸而不悲,思無感而不集。

晉孫瓊箜篌賦

**攷茲器之所起,實侯氏之所營。遠不假于琴瑟,顧無取乎竿笙** 

漆;徵班輸之造器,命伶倫而調律。浮音穆以遐暢,沈嚮幽而若絕 樂操,則寒條早榮;哀曼,則晨華朝滅。邈漸離之清角,超子野 爾乃陟九峻之增巖,晞承溫之朝日;剖驛陽之孤桐,代楚宮之椅 六朝女子文選 卷下

六

朝女子文選

轉難測,聲變無方:或冉弱以飄沈,或頓挫以抑揚,或散角以放羽 邁之離,秋風哀年時之速,陵危柱以頡頏,憑哀弦以躑躅。于是數 之自雪。然思超粱甫,願登華岳,路嶮悲秦,道難怨蜀,遺逸悼行

或攄徵以騁商

帝每遊幸,后常不隨從。時后見帝失德。心知不可,不敢厝言 隋煬蕭皇后述志賦

、因為述志賦以自寄,其詞曰:

廼夙夜而匪懈,實寅懼于玄冥。雖自强而不息,亮愚蒙之多滯

承债善之餘慶,備箕箒于皇庭。恐修名之不立,將貧累于先靈

思竭節于天衢,才追心而弗逮。實庸薄之多幸,荷隆籠之嘉惠。賴

天高而地厚,屬王道之昇平。均二儀之覆載,與日月而齊明。廼春

攝生于沖謐。嗟寵辱之易驚,言無爲而抱一。履謙光而守志,且隂 心戰慄其如寒。夫居高而必危,每處滿而防溢。知恣夸之非道,乃 分?撫胸襟而未識。雖沐浴于恩光,內慚惶而累息。顧微躬之寡味 于知足?苟無希于濫名。惟至德之弘深,情不邇于聲色。感懷舊之 由已。屛囂煩之俗慮,乃服膺于經史。綜箴誠以訓心,觀女圖而作 之所鄙。愧絺綌之不工,豈絲竹而喧耳。知道德之可尊,明善惡之 安乎容膝。珠簾玉箔之奇,金屋瑤臺之美;雖時俗之崇麗,蓊哲人 餘恩,求故劍于宸極。叨不世之殊眄,謬非才而奉職。何寵祿之踰 ,思令淑之良難 實不遑于啓處,將何情而自安?若臨深而履薄 。遵古賢之令範,冀福祿之能綏。時循躬而三省,覺今是而昨非 六朝女子文選

生而夏長,等品物而同榮。願立志于恭儉,私自競于誠盈。孰有念

朝女子文

選

卷下

仰先哲之高才,慕至人之休德。質菲薄而難蹤,心恬愉而去惑 **啮黃老之損思,信為善之可歸。 慕周姒之遺風,美虞妃之聖** 沙沙 則

平生之耿介,實禮義之所遵。雖生質之不敏,庶積行以成仁 人之蓋寡,謂何求而自陳?誠素志之難寫,同絕筆于獲麟 。懼達

晉左九嬪武帝納皇后頌

之靈 ,鍾于楊族,載育盛明。穆穆我后,應期挺生,含聰履吉,岐 峨峨華嶽,峻極泰清;巨靈導流,河瀆是經。惟瀆之神,惟嶽

嶷夙成;如蘭之茂,如玉之瑩。越在幼沖,休有令名,飛聲八極

微 翕習紫庭。超班邈似,比德皇英。京室是嘉,備禮致聘。令月吉辰 ,百僚奉迎。周生歸韓,詩人是詠。我后戾至,車服暉暎。登位太一。 ,明德日盛,羣黎欣戴,函夏同慶。翼翼聖皇,叡喆孔純,愍茲

之踐祚 在戾,闡惠播仁 。囹圄虚陳,萬國齊歡,六合同欣。坤神抃舞 。蠲釁滌穢,與時惟新,沛然洪赦,恩詔遐震,后 7,天人載悅 雪.

畿,長亨豐年,福祿永綏 興瑞降祥,表精日月,和氣烟熅。三光朗烈。旣獲嘉時,尋播甘 ,玄雲曦藹,靈液霏霏。旣儲旣積,待陽而晞,臙晛沾濡,柔潤中 o

君子,展也大成 邈邈德柔,越天之剛,神以知來,智以藏往。含純溥生,尤矣 。執德純粹 ,岳峻川停,履行高厲,蕩乎其平。敦

晉左九嬪德柔頌

興聖道,率正不傾,令問不巳,載路厥聲

0

晉左九嬪鬱金頌 此奇草,名曰鬱金。越自殊域,厥珍來尋。芬香酷烈,悅目 六朝女子 文 選 七

朝.

世弗沈 族心 0 明德惟馨,淑人是欽。 窈窕妃媛 ,服之褵矜。永重名實,曠

晉辛蕭芍藥花頌

0

繁茂 抗茲榮華,聊用興思,染翰作歌 醫 芙蕖,媛人是採,以<u>廁金</u>翠 **瞱瞱芍藥,植此前庭。鳥潤甘露,畫晞陽靈。曾不踰時** 。綠葉靑葱,應期吐秀,緗蕊攢挺,素華菲敷。光譬朝日 。發彼妖容,增此婉媚。惟昔風人, 0 ,在苒 ,色

晉辛蕭菊花頌

陵阿。陽芳吐馥,載芬載葩。爰採爰拾,投之醇酒。御于王公,以 英英麗草,真氣靈和。春茂翠葉。秋曜金華 。服之延年,佩之黃耆。文園賓客,乃用不朽。 ,布獲高原 ,蔓衍

晉辛蕭燕頌

心翱翔 室房,避彼湫隘,處此高涼 翩翩玄鳥,載飛載揚;頡頏庭宇,遂集我堂。銜泥啄草,造作 晉陳珍正日獻椒花頌 。顧影逸豫ノ其樂難忘 。孕育五子,靡天靡傷 o

。羽翼既就,縱

**爱獻,聖容暎之,永萬於萬。** 旋穹周迴,三朝肇建,青陽散暉,澄景載煥。美哉羁葩!爱采 晉陳珍五時畫扇頌

以垂 映蘭 池 。兌降素獸,震升青螭 炎后飛軌,引曜丹逵,蕤賓應律,融精協曦,五象列位 。靈柯幽藹,神卉參差。 女子文 0 日月澄暉 如山之壽,如松之猗,永錫難老 ,仙章來儀。仰憩翠巖 Ju 一。品物

,俯

,

5

與時推移 六朝女子 文

選

卷下

晉王劭之姜嫄頌

英英姜嫄,實德之純一肇承靈瑞,武敏是遵。誕育岐嶷,毗贊

皇綸。播殖之訓,萬葉攸循 0

晉王劭之啓母塗山頌

是綏 塗山靜居,玄郎悟幾。大禹至公,過門不歸。明此道訓,孩胤 。仁哲以成,永繫天暉 o

晉左九嬪虞舜二妃贊

妙矣二妃!體應靈符。

奉嬪于妈,光此有虞

。沈湘示教,靈德

永敷。惟斯美善,諒無**泯乎**! 晉左九嬪周宣王姜后贊

昭昭宣王,克復前制;亹亹姜后,乃激乃厲。執心至公,以恢

明世。

晉左九嬪班婕妤贊

怕怕班 灭 ,恭讓謙虛 。辭辇進賢,辯祝理誣

0

形圖丹青,名侔

晉左九嬪孟軻母贊

樊虞

0

**墳奥。聰達知禮** |鄒母善導,三徙成教,鄰止庠序,俎豆是效。斷織激子,廣以 ,敷述聖道

接輿高潔,懷道行謠。妻亦冰淸,同昧玄昭。遺俗榮津,志遠 晉左九嬪狂接輿妻贊

神遼。

六 朝 女

子

文 選

六朝女子文選 卷下

晉左九嬪荆武王夫人鄧曼贊

天道恶盈,極數則微,邈哉鄧曼,心暎禍幾,覩兆歎亡,考德

知衰,賢智卓殊,邈哉難追

0

晉左九嬪齊和梁妻贊

穹旻,遂赴淄川,託軀清津 遭命不改,逢時險屯。夫卒莒場,郊弔不賓。哀崩高城,訴情

晉左九嬪齊義繼母贊

私情。表德來裔,垂則後生。 聖教玄化,禮貴信誠。至哉繼母,行合典經。 不遺宿諾,義割

邈矣敬姜,含德之英一於行則高,於禮斯明。垂訓子宗,厲發 晉左九嬪魯敬姜贊

奇聲。宣尼三歎。萬代遺**馨** 

晉左九嬪巢父惠妃贊

泱泱長流,沔沔淸波。思文巢惠,載詠載歌。垂綸 壑,萬象

溫溫德剛,實秉道純。履此聖義,體此敦仁。篤物博好,靡疏

靡親 。九族懷附,邦邑望塵。貴實賤華,尙素安貧 。雖在崇高,必

若平民。匪道之祟,譬之生民。褒飾之譽,謂之謗身。惟義是存,

惟導是邈。

清和協極,二儀降靈。啓茲楊族,仁哲誕生。徽晉內發,有馥 晉左九嬪納楊后贊 六朝女子 文選 卷下

1 111

朝女子文選卷下

光清明。元公執擊,嘉禮告成。卿士庶僚,爛其充庭。赫赫華宗 其馨。玄符表運,作合聖明。文定厥祥,考卜惟貞。良辰納幣,二

奕世載榮。謙光其尊,在滿戒盈。受茲介福,垂祚益齡

晉謝道韞論語贊

衛靈公問陳於孔子,孔子對曰:「俎豆之事,則嘗聞之;軍旅

**蠡者乖本,妙極令終。嗟我懷矣,興言攸同。孔子曰:民之於仁也** 之事,未之學也。」庶則大矣。比德中庸,斯言之善,莫不歸宗。

,甚于水火;水火吾見蹈而死者,未見蹈仁而死者矣。

晉孫瓊公孫夫人序贊

粹,奇朗照于齠龀,四敎成于弱笄。慈恩溫恭,行有秋霜之潔;祗 夫人姓公孫氏,會稽剡人也,夫人資三靈之淳懿,誕華宗之澄

有行,則德配女儀。禮服有盈,籩豆無闕。猗歟夫人!天姿特挺 心制節,性同青春之和,敦悅憲章,動遵禮規,居室則道,齊師氏 ,

行高冰潔,操與霜整。性揚蘭芳,德振玉穎。猗彼瓊林!奇翰有集 展彼碩媛!今德來綺。動與禮遊,靜以義立。 **籊羅鮮榦,秀彼崇幖。下澤蘭液,上瑩芳霄。貞勁內固,鮮粲** 晉王劭之靈壽杖銘

外昭。耀質靈薈,作珍華朝。杖之身安,越齡松喬。 伏惟聖善宣慈,仁洽六宮,含弘光大,德潤四海。妾聞之,前 晉左九嬪元皇后誄

志:卑不誄尊,少不誄長;楊雄臣也,而誄漢后,班固子也,而誄 其父,皆以述揚景仁,顯之竹帛:豈所謂三代不同禮,隨時而作者 六 例女 子 文 寒 卷下 三五

朝

女子

文 選

惟 泰始十年,秋七月,丙寅,晉元皇后楊氏崩。嗚呼!哀哉

恩特深。追慕三良,甘心自沈,何用存思?不忘德音;何用紀述? 往古。遭命不永,背陽卽陰,六宮號眺 背有幸適殷,姜姒歸周,宣德中聞,徽晉永流;樊衛二姬,**匡齊**翼 ,四海慟心 。嗟全鄙妾一銜 う比蹤

託辭翰林。乃詐誄曰: 赫赫元后,出自有楊,奕世朱輪,耀彼華陽,惟嶽降神,顯茲

厲秋霜 禎祥 。篤生英媛,休有烈光,含靈握文,異于庶姜 ,疾彼攸遂,敦此義方,率由四教 ,匪怠匪荒 。和賜春日,操 ,行周六 親 : و

徽晋顯揚。顯揚伊何?京室是臧。乃娉乃納,聿嬪聖皇。正位閨閾

同軌 之。皇英佐舜,塗山翼禹,惟衛惟樊、二覇是輔 亦既青陽 克昌克繁 溫且惠,帝妹是親 斯勞,于敬斯勤;雖曰齊聖,邁德日新 史 勿夙夜 女工是察 ,咨詢竹帛,思媚皇姑,虔恭朝夕,允釐中饋,執事有恪,于禮 惟德是將。鳴珮有節,發言有章。仰觀列圖。俯覽篇籍 ,亦能有亂,謀及天府,內敷陰敎,外毗陽化,綢繆庶正,密—— 3. 恩從風翔 0 ,鳴鳩告時 則百斯慶 ,祭服是治 ラ 澤隨 0 經緯六宮,罔不彌綸 ,育聖育賢 ,躬執桑曲 ,祗奉宗廟,永言孝思 雨播 ,中外禔 ,教踰妊姒 ,率導騰姬 腷 。日新伊何?克廣弘仁,終 ,遐邇詠歌,天祚貞吉, ,羣妾惟仰,譬彼北辰 , , 訓邁姜嫄 修成蠶族 。于彼六行 ,明明我后,異世 ,堂堂太子 ,分繭理絲 ラ顧問 ,靡不蹈 女

0

惟國之元

,濟濟南陽

,爲屏爲藩,本支菴藹,四海蔭焉

。微斯皇

工七

六朝

女子

文

選

,宜昌

,孰茲克臻?曰乾蓋聰,曰聖允誠,積善之堂,五福所幷 朝

妣

形神旣 疾彌留 言斯旣及,涕泗隕落。追維我后,實聰實哲,通于性命,達于儉節 帝與后,契闊在昔,比翼白屋,雙飛紫閣,悼后傷後,早即窀穸 塡衢,赴者塞庭 晰。臣妾哀號 衣衾。人亦有言,神道難尋,悠悠精爽 ٠, 攀援不寐 送終之禮,比素上世,襚無珍寶,含無明月,潛輝梓宮,永背昭 ,匪隕匪傾,如彭之齒,如明之齡。云胡不造?于茲禍殃,寢 離 ,寤寐不康,巫咸騁術 ,載昏載荒,奄忽崩殂,涇精滅光。哀哀太子,南陽繁昌 ,擗踴摧傷 , 同此斷絕,庭字遏密, ,哀慟雷駭,流涕雨零,歔欷不己,若喪所生 。嗚呼!哀哉!闔宮號眺,宇内震驚 ,扁鵲奏方,祈禱無應,嘗葯無良 ,豈浮豈沉?豐奠日陳,冀 幽室增陰,空設帷帳 ,奔者 っ 虚置 0 惟 , 0

安厝 者夾塗,士女涕漣 窈冥冥,有夜無晝,曷用其明?不封不樹,山坂同形。昔后之崩, 布,羣官庶僚 弘高顯敞。據洛背河,左瞻皇姑,右睇帝家,惟存揆亡,明神所嘉 曜野,素蓋被原,方相仡仡,旌旐翻翻 何,二駱雙黃。習習容車,朱服丹章,隱隱轜軒,弁絰繐裳 龜筮襲吉;爱定宅兆,克成玄室,魂之往矣!于以令日。仲秋之晨 魂之臨,孰云元后。不聞其晉?乃議景行,景行已溢!乃考龜筮, 。諸姑姊妹,娣姒媵御,追送麈軌,號咷衢路,王侯卿士,雲會星 啓明始出,星陳夙駕,靈輿結駰。其輿伊何?金根玉箱;其駟伊 。中外俱臨 六朝女子文選 ,縞蓋無數 ,同哀並慕,涕如連雲,淚如鴻露 。千乘萬騎,迄彼峻山,峻山峨峨,層阜重阿 。咨嗟通夜,東方云曙,百祗奉迎,我后 ,輓童引歌,白驥鳴轅 0 **扁闓旣闔** 一・華轂 劣 ,觀

•

二九

朝 女 子 文 選 卷下

六

之志。以此爲樂。溫溫元后,實宣慈焉?撫育羣生,恩惠滋焉!遺 終,天地之經,自非三光,誰能不零?存播令德,沒圖丹青,先哲 大火西流,寒往暑過,今亦孟秋。自我銜恤,儵忽一周,衣服將變 ,痛心若抽!逼彼禮制,惟以喑憂。去此素衣,結戀靈丘 ,有始有

**!**言思言慕,涕漣洏焉 1

愛不已,永見思焉!懸名日月,垂萬春焉!嗚呼!庶妾!感四時焉

晉左九嬪萬年公主誄

幼剋哲 ,方德比齒,有邈先烈,何德之盛,而年或闕?何華之繁,

**昔滿衣早智,周晉夙成,咸以岐嶷,名存典經。猗歟公主!在** 

而實不結?雨墜風逝,形影長滅!赫赫京室,河洛所經,陰精發曜 降茲淑靈,篤生公主,誕膺休禎,秀出紫微,日暉月明,旣睇艷

弱齒 姿 ,徽音孔昭,盼蒨其媚,婉曼其嬌,寵玩軒陛,如瓊如瑤;雖則 ,雙德兼苞,五福所集 。聞之先民 ,積善鍾慶 , 祐徳輔仁, 宜

終淑美,光暉日新,云何降戾?景命不振 何辜於天?猥遇降霜?煢煢稚魂,飄飄遐翔,於戲何辜!痛茲不福 ,曄曄榮曜,芳蕤始芳 ,

載馳 生而何晚?殁而何速?酷矣皇靈,謬哉司祿。嗚呼!哀哉!日月 ,白露凝結,白主蘿徂,奄離時節,吉凶乖邈,存亡異制,將 į 潛神永翳!嗚呼!公主!魂豈是綏?岌岌靈轜,駿駟騑駢

遷幽都 歌!况我公主,形滅體訛,精靈遷逝,幽此中阿,言思言念!涕淚 滂沱!嗚呼!哀哉! 挽僮齊唱,悲音激摧 ,士女歔欷,高風增哀 。一日不見,采蕭作

晉袁宏妻李氏弔嵆中散文

阴 女 j. 文 罢

六朝女子文選

可以褒貶明德,擬議英哲矣。故彼嵆中散之爲人,可謂命世之傑矣 。若失呂安者,嵆子之良友也,鍾會者,天下之惡人也;良友不可 • 觀其德行奇偉,風韻劭邈,有似明月之映幽夜,清風之過松林也 宣尼有言曰:「惟仁者能好人,能惡人,」自非賢智之流,不

以不明明之;而理全恶人,不可以不拒拒之;而道顯夜光,非與魚 目此映,三秀難與朝華爭榮。故布鼓自嫌于雷門,礫石有忌于琳琅 矣,嗟乎!道之喪也;雖智周萬物,不能違顯沛之難;故存其心者 之莫全,凌清風以三歎,撫茲子而悵焉。聞先覺之高唱,理極滯其 ,不以一責累懷檢乎!迹者必以纖芥爲事;慨達人之獲譏,悼高範

然。

必宣,侯千戟之大聖,期五百之名賢,聊寄憤于斯章,思慷慨而炫

梁劉令嫺祭夫文

智

傳琴瑟,相酬典墳。輔仁難驗。神情易促,雹碎春紅,霜凋夏綠 依德,乃隸夫君。外治徒舉,內佐無聞,幸移蓬性,頗習蘭薰。式 中,聲高洛下,含潘度陸,超終邁賈。一儀旣肇,判合始分;簡賢 躬奉正衾,親觀啓足,一見無期,百身何贖!嗚呼!哀哉!生死雖 齊眉,異於今日;從軍暫別,且思樓中 才兼文雅;學比山成,辨同河瀉;明經擢秀,光朝振野;調逸許 ,情親猶 維梁大同五年,新婦謹薦少年于徐府君之靈曰:惟君德咸禮 一;敢遵先好,手調薑橘 ,素俎空乾 ,薄游未反,尚比飛蓬,如 ,奠觴徒溢 ,

當永訣,永痛無窮!百年何幾,泉穴方同。

中 華 民 國二十二年八月 代 即 發 行 刷 售 處 者 渻 册定價大洋三角 再 版 啓 海 上海法大馬路自來火街西高第里一號 全 智界 國 即門 各 路 務場 大 公里 書 司號 局



